



**ՀԱՅԱՍՏԱՆՈՒՄ ՍՈՎԵՏԱԿԱՆ ԿԱՐԳԵՐԻ ՀԱՍՏԱՏՄԱՆ
ՔԱՌԱՍՈՒՆՄԵԿԵՐՈՐԴ ՏԱՐԵԴՍՐՁԻՆ ՆՎԻՐՎԱԾ
ՀԱՆԴԻՍՈՒԹՅՈՒՆ ՄԱՅՐ ԱԹՈՌՈՒՄ
ԵՎ ՀՈԳԵՎՈՐ ՃԵՄԱՐԱՆՈՒՄ**

Նոյեմբերի 29-ին, չորեքշաբթի օր, առա-
վոտյան ժամը 12-ին, Վեհափառ Հայրապե-
տը Մայր Տաճարում նախագահեց Հայաս-
տանում սովետական կարգերի հաստատ-
ման 41-րդ տարեդարձի առթիվ կատարված
կառավարական մաղթանքին:

Գոհարանական աղոթքին ներկա էին Մայր
Աթոռի ողջ միաբանությունը, Հոգևոր Ճեմա-
րանի վերատեսչությունը, դասախոսական
կազմը և ուսանողությունը, վանքի պաշ-
տոնեությունը և բազմաթիվ հավատացյալ-
ներ:

Կառավարական մաղթանքի ժամանակ,
լուսարարապետ գերաշնորհ Տ. Սահակ արքե-
պիսկոպոսը կարգաց «ՎԱՍՆ ՀԱՍՏԱՏՈՒ-
ԹԵԱՆ ՀԱՆՐԱՊԵՏՈՒԹԵԱՆ ԽՈՐՀՐԴԱՅԻՆ ՀԱ-
ՅԱՍՏԱՆԻ» գոհարանական աղոթքը:

Կառավարական մաղթանքից հետո, Հո-
գևոր Ճեմարանի հանդիսությանց սրահում,
կողմակերպից զրական-գեղարվեստական

ցերեկույթ՝ նվիրված օրվա ազգային-պետա-
կան մեծ տոնի նշանակության:

Հանդիսությունը բացվում է Հայկական
ՍՍՌ-ի Պետական հիմնի նվագով:

Հոգևոր Ճեմարանի վերատեսուչ գերա-
շնորհ Տ. Հայկազուն արքեպիսկոպոսը հան-
դես է գալիս տոնի ազգային նշանակության
և խորհրդին նվիրված բացման խոսքով:

Հայաստանում սովետական կարգերի հաս-
տատման 41-րդ տարեդարձին նվիրված բո-
վանդակալից ճառով հանդես է գալիս Հո-
գևոր Ճեմարանի գրաբար լեզվի դասախոս
Ս. Անթոսյանը:

Հանդիսության ընթացքում գործադրու-
թյան է դրվում օրվա խորհուրդը նշող գե-
ղարվեստական մի ծրագիր՝ բաղկացած
խմբերգերից, մեներգերից և արտասանու-
թյուններից:

Հոգևոր Ճեմարանի երգչախումբը, երա-
ժրշտության դասատու և Հակոբյանի զե-

կալարութեամբ, հաջողութեամբ կատարում է «Ես իմ անուշ Հայաստանի», «Մաղկիր ազատ իմ Հայրենիք» և «Հանդես է տոնական» խմբերգերը:

Ք դասարանի ուսանող Գ. Բունիսթյանը արտասանում է Ա. Իսահակյանի «Ոտք եմ դնում» քերթվածը, նույն դասարանի ուսանող Ղևոնդ Վարդանյանը՝ Դանիել Վարուժանի «Վերածնություն»-ը և Գ դասարանի ուսանող Ժ. Գալսիաթյանը՝ Գ. Էմինի «Խոսիք Հայաստան»-ը:

Հանդիսութեան վերջում Վեհափառ Հայրապետը ողջունի և օրհնութեան խոսք է ասում ազգային-պետական մեծ տոնի 41-րդ տարեդարձի բարեբաստիկ առիթով և հայրական իր ջերմ պատգամն ուղղելով Հոգևոր

Ճեմարանի ուսանողության, խրատում է լինել որքան հավատի, գիտության, նույնքան և հայրենասիրության մարդ, որովհետև «Հայաստանյայց Եկեղեցին իր կյանքը և հավատագիրը կապած է հայ ժողովուրդի կյանքին և հակառակորդին հետ և ան կնույնաճամբողջովին հայ ժողովուրդին հետ, զի Հայ Եկեղեցին ինքը հայ ժողովուրդն է»:

Այնուհետև Վեհափառ Հայրապետը մի անգամ ևս օրհնում է Հայրենի աշխարհն ու նրա տոնը, մեր շինարար ժողովրդին, բարեմաղթելով, որ խաղաղություն լինի համայն աշխարհում և բոլոր հայ երդիկների տակ:

Հանդիսությունը վերջանում է խմբովին երգված Տերունական աղոթքով:

